

Poziv CPCD za učešće u mentoRING programu

Pridružite se najvećem mentorskom programu za žene u Bosni i Hercegovini, ali i regionu! U prve tri godine mentoRING-a ukupno 1.170 žena direktno je učestvovalo u programu, kao mentorica ili kao korisnica.

Preko 6.000 žena prati informacije i razmjenjuje ideje putem Facebook stranice „Najmoćnije žene Bosne i Hercegovine“ i web stranice www.mentoring.ba.

Polovinom januara ove godine otvoren je poziv za prijave u četvrti krug mentorskog programa, za 2015. godinu. Ove godine imamo novinu u programu, jer se po prvi put i muškarci mogu prijaviti kao mentori, pa je ovo svojevrsni izazov za muškarce koji se ne boje jačanja žena. Prijave za mentorice i mentore, kao i za korisnice programa mogu se slati do 28.2.2015. godine, nakon čega će se vršiti formiranje parova po raznim oblastima (biznis, pravo, marketing, politika, PR, banke, zdravstvo, obrazovanje itd). Prijava je jednostavna i brza i vrši se putem online obrasca koji se nalazi na web stranici www.mentoring.ba i na Facebook stranici „Najmoćnije žene Bosne i Hercegovine“.

mentoRING je fleksibilan program koji omogućava mentoricama i korisnicama da osmisle saradnju u skladu sa raspoloživim vremenom i ciljevima koje zajednički odrede i na način koji je najpraktičniji (susreti, kontakti online, zajednički rad, savjeti itd).

mentoRING je specifičan program još po jednoj činjenici, a to je da je ova inicijativa pokrenuta bez finansijske podrške od bilo kojeg donatora, i da se zasniva na volonterskom radu mentorica, podršci biznis sektora kao sponzora pojedinih aktivnosti i vlastitim resursima Centra za promociju civilnog društva. Prošle godine smo dobili podršku Američke ambasade u BiH, a ove godine se ponovo oslanjamo na lokalne izvore podrške. Dokazali smo da dobra ideja uvijek nađe način za ostvarenje!

mentoRING će nastaviti i u narednim godinama da „naoružava“ mlade žene znanjem i samopouzdanjem i da gradi mrežu podrške za napredovanje i unapređenje položaja žena u poslovnom svijetu i politici. Ovaj program je pokrenuo Centar za promociju civilnog društva, bh. organizacija koja već 19 godina doprinosi razvoju građanskog aktivizma, međusektorske saradnje i civilnog društva u BiH i regionu.

Sve informacije o programu mogu se dobiti na web stranici www.mentoring.ba ili putem emaila mentoring@mentoring.ba

Aida Daguda

Direktorica

Centar za promociju civilnog društva

Gradačaćka bb, 71000 Sarajevo

Tel/Fax: 033 644 810; 611 798; 611 834

www.cpcd.ba